



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1517320
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

22 օգոստոսի 2022թ.

ք. Երևան
(կազմման վայրը)

Ակտի հասցեատեր

«Օհան ընդ կո» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

0	2	6	8	9	1	6	5
---	---	---	---	---	---	---	---

(հարկվճարողի հաշվառման համարը՝ ՀՎՀՀ-ն)

ք. Երևան, Վերին անտառային փ., 138/3 շ., բն. 31Բ

(անհատ ձեռնարկատիրոջ հաշվառման հասցեն կամ իրավաբանական անձի գտնվելու վայրի հասցեն)

Խախտման նկարագրությունը

ՀՀ ՊԵԿ ՀՕՀՎ պետի 29.06.2022թ. թիվ 1517320 որոշման համաձայն «Օհան ընդ կո» ՍՊ ընկերության (այսուհետ՝ Ընկերություն) նկատմամբ իրականացվել են օպերատիվ-հետախուզական միջոցառումներ, որի արդյունքում պարզվել է, որ Ընկերությունը 2020թ-ի ընթացքում ԱՄՆ քաղաքացի Կարո Տեմիրճեանին սեփականության իրավունքով պատկանող Կոտայքի մարզ, գ. Առինջ, Դուրյան փող. 3-րդ նրբ., թիվ 8 հողամաս հասցեում կիսակառույց շինության վրա կատարել է մի շարք շինարարական աշխատանքներ. կիսակառույց շինության 1-ին և 2-րդ հարկերի պայասոկների ամրացման աշխատանքներ, տան դիմացի միաձույլ պայասոկների ձևով մոնոլիտ բետոնի սյուների կառուցում, տնտեսական սենյակի ավտոտնակի, արտաքին շինարարական աշխատանքների իրականացում, տան ներքին և արտաքին աստիճանավանդակների կառուցում, նկուղային հարկում երկտակ տուֆե քարերով և 1-ին, 2-րդ հարկերում պեմզաբլոկներով արտաքին պատերի շարվածք, տան դիմացի հատվածի բետոնապատում, սալիկապատում, տան ետնամասի բետոնապատում, 60 գծամետր պարսպապատման աշխատանքների իրականացում, տան և ավտոտնակի տանիքների հետ կապված շինարարական աշխատանքներ, տան ետնամասում սեպտիկ հորի կառուցում: Ձեռնարկված ՕՀ միջոցառումների արդյունքում պարզվել է, որ «ՕՀԱՆ ԸՆԴ ԿՈ» ՍՊԸ-ն չի ունեցել շինարարական աշխատանքներ իրականացնելու համար համապատասխան լիցենզիա:

Վերոգրյալը հաստատվել է Ընկերության տնօրեն Օհան Օհանյանի կողմից 19.07.2022թ. տրված գրավոր հաղորդումով:

Թիվ 1517320 արձանագրությամբ 22.07.2022թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 01.08.2022թ. նշանակված վարչական վարույթի լուսմներին: Գործում առկա չեն լրացուցիչ ապացույցներ, չեն ներկայացվել միջնորդություններ:

Վերոգրյալից ելնելով վարչական վարույթ իրականացնող մարմինը հաստատված է համարում Ընկերության կողմից, առանց համապատասխան լիցենզիայի լիցենզավորված գործունեություն իրականացնելու փաստերը:

«Լիցենզավորման մասին» ՀՀ օրենքի 43-րդ հոդվածով հաստատված աղյուսակի 17 բաժնի 3-րդ կետի համաձայն շինարարության իրականացումը (բացառությամբ շինարարության թույլտվություն չպահանջող աշխատանքների, համապատասխան նպատակի համար նախատեսված հողամասի տարածքում ոչ ձեռնարկատիրական նպատակով սեփականատիրոջ կողմից կառուցվող՝ 300 քմ ընդհանուր մակերեսը չգերազանցող՝ մինչև երկու վերգետնյա ու մեկ ստորգետնյա հարկ ունեցող անհատական բնակելի տների, հաստատված բազմակի օգտագործման օրինակելի նախագծերով կառուցվող օբյեկտների, 150 քմ ընդհանուր մակերեսը չգերազանցող օժանդակ շինությունների, 50 քմ ընդհանուր մակերեսը չգերազանցող ավտոտնակների, 1000 քմ ընդհանուր մակերեսը չգերազանցող ջերմոցների, 500 քմ ընդհանուր մակերեսը չգերազանցող գյուղատնտեսական արտադրական նշանակության ոչ հիմնական շինությունների և 100 քմ ընդհանուր մակերեսը չգերազանցող հասարակական նշանակության ոչ հիմնական շինությունների) ենթակա է պարտադիր լիցենզավորման:

Վերոշարադրյալ արարքն առաջացնում է պատասխանատվություն՝ ՀՀ հարկային օրենսգրքի 408-րդ հոդվածի 1-ին մասով ըստ որի՝ ...«Օպերատիվ-հետախուզական գործունեության մասին» Հայաստանի Հանրապետության օրենքով սահմանված կարգով իրականացվող օպերատիվ-հետախուզական միջոցառումների արդյունքում հայտնաբերված՝ «Լիցենզավորման մասին» Հայաստանի Հանրապետության օրենքին համապատասխան լիցենզավորման ենթակա գործունեությունն առանց լիցենզիայի իրականացնելու ... դեպքում գործունեության յուրաքանչյուր տեսակի մասով կազմակերպությունից կամ անհատ ձեռնարկատիրոջից գանձվում է տուգանք՝ լիցենզիայի կամ թույլտվության տրման կամ ծանուցման ենթակա գործունեությամբ զբաղվելու իրավունք ձեռք բերելու համար օրենքով սահմանված պետական տուրքի դրույքաչափի տասնապատիկի չափով, բայց ոչ պակաս 500 հազար դրամից:

Միևնույն ժամանակ համաձայն ՀՀ հարկային օրենսգրքի 408-րդ հոդվածի 3-րդ մասի սույն հոդվածի 1-ին և 2-րդ մասերով սահմանված խախտումներ հայտնաբերվելու դեպքերում խախտումներ կատարած կազմակերպությունից կամ անհատ ձեռնարկատիրոջից գործունեության յուրաքանչյուր տեսակի մասով գանձվում է նաև լիցենզիան տալու կամ ծանուցման ենթակա գործունեությամբ զբաղվելու իրավունք ձեռք բերելու համար օրենքով սահմանված պետական տուրքի (տարեկան պետական տուրքի գանձման օբյեկտի դեպքում՝ մեկ տարվա պետական տուրքի) դրույքաչափին համապատասխան գումարի չափով վնասի հատուցում:

«Պետական տուրքի մասին» ՀՀ օրենքի 19-րդ հոդվածի 16-րդ մասի 16.2-րդ կետով՝ շինարարության իրականացման յուրաքանչյուր ներդիրի համար տարեկան պետական տուրքը հաշվարկվում է՝ տարեկան բազային տուրքի 80-ապատիկի չափով:

«Պետական տուրքի մասին» ՀՀ օրենքի 8-րդ հոդվածի համաձայն պետական տուրքի դրույքաչափերը սահմանվում են գնահատման ենթակա գույքի արժեքի կամ սույն օրենքով սահմանված բազային տուրքի նկատմամբ: Բազային տուրքի չափ է սահմանվում 1000 դրամը:

Տվյալ դեպքում Ընկերության կողմից խախտումը վերջին մեկ տարվա ընթացքում

հաշվարկվում է 80 000 ՀՀ դրամ, որի տասնապատիկը կազմում է 800 000 ՀՀ դրամ, այսինքն օրենսդրական պահանջից ելնելով Ընկերության նկատմամբ կիրառելի է 800 000 ՀՀ դրամ տուգանք (80 000 դրամ x 10) և 80 000 ՀՀ դրամ գումարի չափով վնասի հատուցում:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և «Օհան ընդ կո» ՍՊԸ-ին գանձման առաջադրել 800 000 ՀՀ դրամի չափով տուգանք որպես հարկային պարտավորություն, ինչպես նաև՝ 80 000 ՀՀ դրամ օրենքով սահմանված պետական տուրքի գումարի չափով վնասի հատուցում համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 408-րդ հոդվածով սահմանված տուգանք ընդամենը, որից՝	800 000	պետական բյուջե	900008000490
Հարկային օրենսգրքի 408-րդ հոդվածի 3-րդ մասով սահմանված վնասի հատուցման գումար, որից՝	80 000	պետական բյուջե	900008000490
Ընդամենը վճարման ենթակա գումար	880 000	պետական բյուջե	900008000490

2. Ընդունել ի գիտություն՝

1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:

2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:

3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:

4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի պաշտոնը, անունը և ազգանունը



Կ.Տ

Ստացա ակտի մեկ օրինակը

ընդամենը 3 էջ

տնօրեն Արտաշես Գևորգյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ ձեռնարկատեր նշումով) իրավաբանական անձի գործադիր մարմնի ղեկավար (գրագրության ընդունման համար պարտախանապու անձ՝ հաբուկ առաքման դեպքում)

ստորագրությունը

„_____“ 2022թ.